



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKI NAČELNIK

Broj: 02-11-5845/20

Datum: 09-11-2020 .godine

Na osnovu člana 69. Statuta Općine Centar Sarajevo – prečišćeni tekst ("Službene novine Kantona Sarajevo", br. 23/04), člana 70. stav 1. Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, na prijedlog Komisije za nabavku roba, vršenje usluga i izvođenje radova II, imenovana Rješenjem Općinskog načelnika broj: 10-45-1132/20 od 01.10.2020. godine, Općinski načelnik d o n o s i:

O D L U K U

- I.** Ponuda „EMADO“ d.o.o. Sarajevo, ul. Azize Šaćirbegović 112, Sarajevo, broj ponude: 05112020BB05 od 27.10.2020. godine, za javnu nabavku mobilnih računara- tableta, u otvorenom postupku nabavke broj: obavještenja o nabavci: 848-1-1-207-3-166/20, prihvata se za dodjelu ugovora.
- II.** Obavezuje se ponuđač iz stava I dispozitiva, da u roku od pet dana od dana prijema ove odluke, neposredno na protokol ovog organa, dostavi dokumente kojima se dokazuje ispunjavanje uslova iz tačke 7. tenderske dokumentacije (uslovi za kvalifikaciju ponuđača), u originalu ili ovjerenoj kopiji, ukoliko navedeno nisu dostavili u ponudi.
- III.** Ponuđači će o prihvaćanju ponude iz stava I ove odluke, biti obaviješteni najkasnije u roku od sedam dana od dana donošenja Odluke.
- IV.** Ova odluka će biti objavljena na internet stranici Općine Centar Sarajevo istovremeno sa dostavljanjem svim ponuđačima.

O b r a z l o ž e n j e

Otvoreni postupak javne nabavke mobilnih računara- tableta, pokrenut je odlukom Općinskog načelnika broj: 02-11-5845/20 od 20.10.2020. godine.
Shodno Zakonu, objavljeno je obavještenje o nabavci putem otvorenog postupka, na internet portalu E-nabavke broj obavještenja: 848-1-1-207-3-166/20 od 20.10.2020. godine.
Do predviđenog roka za dostavljanje ponuda na adresu ugovornog organa, pristigle su 2 (dvije) ponude ponuđača: „EMADO“ d.o.o. Sarajevo i „PROCOMP“ d.o.o. Zenica.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su ponude za oba potkriterija ekonomski najpovoljnije ponude, kako slijedi:

r/b kov.	Ponuđač	POTKRITERIJ 1 Ukupna cijena ponude u KM sa PDV-om i popustom	POTKRITERIJ 2 Rok isporuke
1.	„EMADO“ d.o.o. Sarajevo	5.239,79	1 dana
3.	„PROCOMP“ d.o.o. Zenica	3.565,60	30 dana

Na zatvorenom sastanku održanom dana 05.11.2020.godine, Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Ponuđač „EMADO“ d.o.o. Sarajevo dostavio je sve pismene dokaze o ispunjavanju uslova u pogledu tehničke i profesionalne sposobnosti zahtijevane tenderskom dokumentacijom u predmetnom postupku nabavke.

Ponuđač „PROCOMP“ d.o.o. Zenica u ponudi nije dostavio izjavu na memorandumu firme o posjedovanju vlastitog ili ugovorenog servisa ponuđene robe, koja je propisana tačkom 7.3.2. pod c) tenderske dokumentacije te je konstatovano da navedeni ponuđač nije ispunio traženi uslov.

Shodno svemu navedenom ponuda ponuđača „PROCOMP“ d.o.o. Zenica, odbija se kao neprihvatljiva u skladu sa odredbom člana 68. stav (1) Zakona.

Komisija je izvršila računsku kontrolu preostale prihvatljive ponude „EMADO“ d.o.o. Sarajevo i pri tome je utvrđeno da je ponuda računski ispravna.

U nastavku rada Komisija je izvršila bodovanje u skladu sa predviđenim brojem bodova za svaki podkriterij ekonomski najpovoljnije ponude kako slijedi:

Ponuđač	Potkriterij	
	Cijena 60%	Rok isporuke 40%
„EMADO“ d.o.o. Sarajevo	16.298,10 KM sa PDV-om = 60 bodova	1 dan = 40 bodova

Nakon bodovanja po osnovu oba podkriterija ekonomski najpovoljnije ponude, izvršeno je rangiranje ponude:

r/b	Ponuđač	Broj bodova	Rang
1.	„EMADO“ d.o.o. Sarajevo	100	1

Komisija je u daljem radu donijela jednoglasnu odluku da se Općinskom načelniku preporuča da donese odluku o prihvatanju ponude „EMADO“ d.o.o. Sarajevo, sa ukupnom cijenom ponude u iznosu od 16.298,10 KM sa PDV-om i rokom isporuke od 1 (jedan) dan, kao najpovoljnije za dodjelu mobilnih računara - tableta.

Općinski načelnik je prihvatio Izvještaj i preporuku Komisije za nabavke, o čemu je donio ovu Odluku, shodno članu 70. stav 1. Zakona.

Pouka o pravnom lijeku:

Protiv ove Odluke može se izjaviti žalba ugovornom organu Općini Centar Sarajevo, u roku od 10 (deset) dana od dana prijema iste.

Žalba se izjavljuje ugovornom organu u skladu s članom 99. Zakona.

Žalitelj je dužan uplatiti naknadu za pokretanje žalbenog postupka u skladu sa članom 108. stav 1. Zakona.

DOSTAVITI:

- Službi za javne nabavke, zajedničke poslove i informatiku
- Ponuđačima:
 - „EMADO“ d.o.o. Sarajevo
 - „PROCOMP“ d.o.o. Zenica
- Arhivu

